




三國誌  
目錄

2119  
1

五ノ五



2119

聖 毛巖山先生批點

原 歎 貫 華 堂 第 一  
才 子 書

序

余嘗集才子書者六其目曰莊也騷也馬之史記也杜之律詩也水滸也西廂也已謬加評訂海內君子皆許余以為知言近又取三國志讀之見其據實指陳非屬臆造堪與經史相表裏由是觀之奇又莫奇於三國矣或曰凡自周秦而上漢唐而下依史以演義者無不與

三國相仿何獨奇乎三國曰三國者乃古今爭天下之一大奇局而演三國者又古今爲小說之一大奇手也異代之爭天下其事較平取其事以爲傳其手又較庸故迥不得與三國並也吾嘗覽三國爭天下之局而歎天運之變化真有所莫測也當漢獻失柄董卓擅權羣雄並起四海鼎沸使劉皇叔早偕魚水

之歡先得荆襄之地長驅河北傳檄淮南江東秦雍以次畧定則仍一光武中興之局而不見天運之善變也惟卓不遂其篡以誅死曹操又得挾天子以令諸侯名位雖虛正朔未改皇叔宛轉避難不得蚤建大義於天下而大江南北已爲吳魏之所攘獨留西南一隅爲劉氏托足之地然不得孔明出而東助赤

壁一戰西爲漢中一摧則漢益亦幾折而入於曹而吳亦不能獨立則又成一王莽篡漢之局而天運猶不見其善變也逮於華容遁去鷄肋歸來鼎足而居權侔力敵而三分之勢遂成尋彼曹操一生罪惡貫盈神人共怒檄之罵之刺之藥之燒之劫之割鬚折齒墮馬落塹瀕死者數而卒免於死爲敵者衆而爲

輔亦衆此又天之若有意以成三分而故留此奸雄以爲漢之蝨賊且天生瑜以爲亮對又生懿以繼曹後似皆恐鼎足之中折而疊出其人才以相持也自古割據者有矣分王者有矣爲十二國爲七國爲十六國爲南北朝爲東西魏爲前後漢其間乍得乍失或亡或存遠或不能一紀近或不踰歲月從未有六

十年中興則俱興滅則俱滅如三國爭天下之局之奇者也今覽此書之奇足以使學士讀之而快委巷不學之人讀之而亦快英雄豪傑讀之而快凡夫俗子讀之而亦快也昔者蒯通之說韓信已有鼎足三分之說其時信已臣漢義不可背項羽粗暴無謀有一范增而不能勢不得不一統於羣策羣力之漢

三分之幾虛兆于漢室方興之時而卒成於漢室衰微之際且高祖以王漢興而先主以王漢亡一能還定三秦一不能取中原尺寸若彼蒼之造漢以如是起以如是止蚤有其幾局於冥冥之中遂致當世之人之事才謀各別境界獨殊以迥異於千古此非天事之最奇者歟作演義者以文章之奇而傳其事之

奇而且無所事於穿鑿第貫穿其事實  
錯綜其始末而已無之不奇此又人事  
之未經見者也獨是事奇矣書奇矣而  
無有人焉起而評之卽或有人而使心  
非錦心口非繡口不能一一代古人傳  
其胸臆則是書亦終與周秦而上漢唐  
而下諸演義等人亦烏乎知其奇而信  
其奇哉余嘗欲探索其奇以正諸世會

病未果忽於友人案頭見毛子所評三  
國志之稿觀其筆墨之快心思之靈先  
得我心之同然因稱快者再而今而後  
知第一才子書之目又果在三國也故  
余序此數言付毛子授劄之日弁於簡  
端使後之閱者知余與毛子有同心云  
皆

順治歲次甲申嘉平朔日金人瑞聖歎

氏題



讀三國志法

讀三國志者當知有正統閏運僭國之別正統者何蜀漢是也僭國者何吳魏是也閏運者何晉是也魏之不得爲正統者何也論地則以中原爲主論理則以劉氏爲主論地不若論理故以正統予魏者司馬光通鑑之誤也以正統予蜀者紫陽綱目之所以爲正也綱目于獻帝建安之末大書後漢昭烈皇帝章武元年而以吳魏分注其下蓋以蜀爲帝室之胄在所當予魏爲篡國之賊在所當奪是以前則書劉備起兵徐州討曹操後則書漢丞相諸葛亮出師伐魏而大義昭然揭于千古矣夫劉氏未亡魏未混一魏固不得爲正統迨乎劉氏已亡晉已混一而晉亦不得爲正統者何也曰晉以臣弑君與魏無異而一傳之後厥祚不長但可謂之閏運而不可謂之正統也至于東晉偏安以牛易馬愈不得以正統歸之故三國之并吞于晉

猶六國之混一于秦五代之混一于隋耳秦不過爲漢驅除隋不過爲唐驅除前之正統以漢爲主而秦與魏晉不得與焉亦猶後之正統以唐宋爲主而宋齊梁陳隋梁唐晉漢周俱不得與焉耳且不特魏晉不如漢之爲正卽唐宋亦不如漢之爲正煬帝無道而唐代之是已惜其不能顯然如周之代商而稱唐公加九錫以蹈魏晉之陋轍則得天下之正不如漢也若夫宋以忠厚立國又多名臣大儒出乎其間故尚論者以正統于宋然終宋之世燕雲十六州未入版圖其規模已遜于唐而陳橋兵變黃袍加身取天下於孤兒寡婦之手則得天下之正亦不如漢也唐宋且不如漢而何論魏晉哉高帝以除暴秦擊楚之殺義帝者而興光武以誅王莽而克復舊物昭烈以討曹操而存漢祀于西川祖宗之創之者正而子孫之繼之者亦正不得但以光武之混一爲正統而謂昭烈之偏安非正統也昭烈爲

正統而劉裕劉智遠亦皆劉氏子孫其不得爲正統者何也曰裕與智遠之爲漢苗裔遠而無徵不若中山靖王之後近而可考又一劉皆以篡弒得國故不得與昭烈並也後唐李存勗之不得爲正統者何也曰存勗本非李而賜姓李其與呂秦牛晉不甚相遠故亦不得與昭烈並也南唐李昇之亦不得繼唐而爲正統者何也曰世遠代遐亦裕與智遠者比故亦不得與昭烈並也南唐李昇不得繼唐而爲正統南宋高宗獨得繼宋而爲正統者何也高宗立太祖之後爲後以延宋祚于不絕故正統歸焉夫以高宗之殺岳飛用秦檜全不以二聖爲念作史者尚以其延宋祚而歸之以正統况昭烈之君臣同心誓討漢賊者乎則昭烈之爲正統愈無疑也陳壽之志未及辨此余故折衷于紫陽綱目而特于演義中附正之

古史甚多而人獨貪看三國志者以古今人才之聚未有盛于三國



者也觀才與不才敵不奇觀才與才敵則奇觀才與才敵而一才又  
遇衆才之匹不奇觀才與才敵而衆才尤讓一才之勝則更奇吾以  
爲三國有三奇可稱三絕諸葛孔明一絕也開雲長一絕也曹操亦  
一絕也歷稽載籍賢相林立而名高萬古者莫如孔明其處而彈琴  
抱膝居然隱士風流出而羽扇綸巾不改雅度在草廬之中而識三  
分天下則達乎天時承顧命之重而至六出祁山則盡乎人事七擒  
八陣木牛流馬旣已疑鬼神之不測鞠躬盡瘁志決身殲仍是爲  
臣爲子之用心比管樂則過之比伊呂則兼之是古今來賢相中第  
一奇人歷稽載籍名將如雲而絕倫超羣者莫如雲長青史對青燈  
則極其儒雅赤心如赤面則極其英靈秉燭達旦人傳其大節單刀  
赴會世服其神威獨行千里報主之志堅義釋華容酬恩之誼重作  
事如青天白日待人如霽月光風心則趙抃焚香告帝之心而磊落

過之意則阮籍白眼傲物之意而嚴正過之是古今來名將中第一  
奇人歷稽載籍奸雄接踵而智足以攬人才而欺天下者莫如曹操  
聽荀彧勤王之說而自比周文則有似乎忠黜袁術僭號之非而願  
爲曹侯則有似乎順不殺陳琳而愛其才則有似乎寬不追關公以  
全其志則有似乎義王敦不能用郭璞而操之得士過之桓溫不能  
識王猛而操之知人過之李林甫雖能制祿山不如操之擊烏桓于  
塞外韓侂胄雖能賤秦檜不若操之討董卓于生前竊國家之柄而  
始存其號異于王莽之顯然弑君留改革之事以俟其兒勝于劉裕  
之急欲篡晉是古今來奸雄中第一奇人有此三奇乃前後史之所  
絕無者故讀遍諸史而愈不得不喜讀三國志也

三國之有三絕固已然吾自三絕而外更遍觀乎三國之前三國之  
後問有運籌帷幄如徐庶龐統者乎問有行軍用兵如周瑜陸遜司

馬懿者乎問有料人料事如郭嘉程昱荀彧賈詡步騭虞翻顧雍張昭者乎問有武功將畧邁等越倫如張飛趙雲黃忠嚴顏張遼徐晃徐盛朱桓者乎問有衝鋒陷陣驍銳莫當如馬超馬岱關興張苞許褚典韋張郃夏侯惇黃蓋周泰甘寧太史慈丁奉者乎問有兩才相當兩賢相遇如姜維鄧艾之智勇悉敵羊祜陸抗之從容五鎮者乎至于道學則馬融鄭玄文藻則蔡邕王粲穎操則曹植楊修蚤慧則諸葛恪鍾會應對則秦宓張松舌辯則李恢關澤不辱君命則趙諮鄧芝飛書馳檄則陳琳阮瑀治煩理劇則蔣琬董允楊譽蜚聲則馬良荀爽好古則杜預博物則張華求之別籍俱未易一一見也乃若知賢則有司馬徽之哲勵操則有管寧之高隱居則有崔州平石廣元孟公威之逸忤姦則有孔融之正觸邪則有趙彥之直斥惡則有禰衡之豪罵賊則有吉平之壯殉國則有董承伏完之賢捐生則有

耿紀韋晃之節子死于父則有劉湛關平之孝臣死于君則有諸葛瞻諸葛尚之忠部曲死于主帥則有趙累周倉之義其他早計如田豐苦口如王累矢貞如沮授不屈如張任輕財篤友如魯肅事主不二心如諸葛瑾不畏強禦如陳泰視死如歸如王經獨存介性如司馬孚炳炳燁燁照耀史冊殆舉前之豐沛三傑商山四皓雲臺諸將富春客星後之瀛洲學士麟閣功臣杯酒節度砦市宰相分見於各朝之千百年者奔合輻湊于三國之一時豈非人才一大都會哉入鄧林而選名材遊玄圃而見積玉收不勝收接不暇接吾于三國有觀止之嘆矣

三國一書乃文章之最妙者敘三國不自三國始也三國必有所自始則始之以漢帝敘三國不自三國終也三國必有所自終則終之以晉國而不但此也劉備以帝胄而續統則有宗室如劉表劉璋劉

繇劉辟等以陪之曹操以強臣而專制則有廢立如董卓亂國如李  
催郭汜以陪之孫權以方侯而分鼎則有僭號如袁術稱雄如袁紹  
割據如呂布公孫瓚張楊張邈張魯張繡等以陪之劉備曹操于第  
一回出名而孫權則于第七回方出名曹氏之定許都在第十一回  
孫氏之定江東在第十二回而劉氏之取西川則在第六十回後假  
令今人作稗官欲平空擬一三國之事勢必劈頭便敘二人三人便  
各據一國有能如是之繞乎其前出乎其後多方以盤旋乎其左右  
者哉古事所傳天然有此等波瀾天然有此等層折以成絕世妙文  
然則讀三國一書誠勝讀稗官萬萬耳

若論三國開基之主人盡知爲劉備孫權曹操也而不知其間各有  
不同備與操皆自我身而創業而孫權則籍父兄之力其不同者一  
備與權皆及身而爲帝而操則不自爲而待之于其子孫其不同者  
二三國之稱帝也唯魏獨早而蜀則稱帝于曹操已死曹丕已立之  
餘吳則稱帝于劉備已死劉禪已立之後其不同者三三國之相持  
也吳爲蜀之鄰魏爲蜀之讐蜀與吳有和而戰而蜀與魏則有戰無  
和吳與蜀則和多于戰吳與魏則戰多于和其不同者四三國之傳  
也蜀止二世魏則自丕及奂凡五主吳則及權及皓凡四主其不同  
者五三國之亡也吳居其後而蜀先之魏次之魏則見奪于其臣吳  
蜀則見并于其敵其不同者六不寧惟是策之與權則兄終而弟及  
丕之與植則舍弟而立兄備之與禪則父爲帝而子爲虜操之與丕  
則父爲臣而子爲君可謂參差錯落變化無方者矣今之不善畫者  
雖使繪兩人亦必彼此同貌今之不善歌者即使唱兩調亦必前後  
同聲文之合掌往往類是古人本無雷同之事而今人好爲雷同之  
文則何不取余所批三國志而讀之

三國一書總起總結之中又有六起六結其敘獻帝則以董卓廢立為一起以曹丕篡奪為一結其敘西蜀則以成都稱帝為一起而以綿竹出降為一結其敘劉關張三人則以桃園結義為一起而以白帝托孤為一結其敘諸葛亮則以三顧草廬為一起而以六出祁山為一結其敘魏國則以黃初改元為一起而以司馬受禪為一結其敘東吳則以孫堅匿璽為一起而以孫皓啣璧為一結凡此數段文字聯絡交互于其間或此方起而彼已結或此未結而彼又起讀之不見其斷續之迹而按之則自有章法之可知也

三國一書有追本窮源之妙三國之分由于諸鎮之角立諸鎮角立由于董卓之亂國董卓亂國由于何進之召外兵何進召外兵由于十常侍之專政故敘三國必以十常侍為之端也然而劉備之初起不即在諸鎮之內而尚在草澤之間夫草澤之所以有英雄聚義而

諸鎮之所以繕修兵革者由于黃巾之作亂故敘三國又必以黃巾為之端也乃黃巾未作則有上天垂災異以警戒之更有忠謀智計之士直言極諫以預料之使當時為之君者體天心之仁愛納良臣之讜論斷然舉十常侍而進斥焉則黃巾可以不作草澤英雄可以不起諸鎮之兵革可以不修而三國可以不分矣故敘三國而追本于桓靈猶河源之有星宿海云

三國一書有巧收幻結之妙設今魏而為蜀所并此人心之所甚願也設今蜀亡而魏得一統此人心之所大不平也乃彼蒼之意不從人心所甚願而亦不出于人心之所大不平特假手于晉以一之此造物者之幻也然天既不祚漢又不予魏則何不假手於吳而必假手於晉乎曰魏固漢賊也吳嘗害關公奪荊州助魏以攻蜀則亦漢賊也若晉之奪魏有似乎為漢報讐也者則與其一之以吳無寧一

之以晉也且吳爲魏敵而晉爲魏臣魏以臣弑君而晉卽如其事以報之可以爲戒于天下後世則使魏而見并于其敵不若使之見并於其臣之爲快也是造物者之巧也幻旣出人意意外巧復在人意中造物者可謂善於作文矣今人下筆必不能如此之幻如此之巧然則讀造物自然之文而又何必讀今人臆造之文乎哉

三國一書有以賓觀主之妙如將敘桃園兄弟三人先敘黃巾兄弟三人桃園其主也黃巾其賓也將敘中山靖王之後先敘魯恭王之後中山靖王其主也魯恭王其賓也將敘何進先敘陳蕃竇武何進其主也陳蕃竇武其賓也敘劉關張及曹操孫堅之出色并敘各鎮諸侯之無用劉備曹操孫堅其主也各鎮諸侯其賓也劉備將遇諸葛亮而先遇司馬徽崔州平石廣元孟公威等諸人諸葛亮其主也司馬徽諸人其賓也諸葛亮歷事兩朝乃又有先來卽去之徐庶晚

來先死之龐統諸葛亮其主也而徐庶龐統又其實也趙雲先事公孫瓚黃忠先事韓玄馬超先事張魯法正嚴顏先事劉璋而後皆歸劉備備其主也公孫瓚韓玄張魯劉璋其實也太史慈先事劉繇後歸孫策甘寧先事黃祖後歸孫權張遼先事呂布徐晃先事楊奉張郃先事袁紹賈詡先事李傕張繡而後皆歸曹操孫曹其主也劉繇黃祖呂布楊奉等諸人其實也代漢當塗之讖本應在魏而袁公路謬以自許魏其主也袁公路其實也三馬同槽之夢本應在司馬氏而曹操誤以爲馬騰父子司馬氏其主也馬騰父子其實也受禪臺之說李肅以賺董卓而曹丕卽真焉司馬炎又卽真焉曹丕司馬炎其主也董卓其實也且不獨人有賓主也地亦有之獻帝自洛陽遷長安又自長安遷洛陽而終乃遷于許昌許昌其主也長安洛陽皆賓也劉備失徐州而得荊州荊州其主也徐州其實也及得兩川而

復失荊州兩川其主也而荊州又其賓也孔明將北伐中原而先南定蠻方意不在蠻方而在中原中原其主也蠻方其賓也抑不獨地有賓主也物亦有之李儒持鳩酒短刀白練以貽帝辨鳩酒其主也短刀白練其賓也許田打圍將敘曹操射鹿先敘立德射兎鹿其主也兎其賓也赤壁鏖兵將敘孔明借風先敘孔明借箭風其主也箭其賓也董承受玉帶陪之以錦袍帶其主也袍其賓也關公拜受赤兎馬而陪之以金印紅袍諸賜馬其主也金印等其賓也曹操掘地得銅雀而陪之以玉龍金鳳雀其主也龍鳳其賓也諸如此類不可悉數善讀是書者可於此悟文章賓主之法

三國一書有同樹異枝同枝異葉同葉異花同花異果之妙作文者以善避爲能又以善犯爲能不犯之而求避之無所見其避也唯犯之而後避之乃見其能避也如紀宮掖則寫一何太后又寫一董太

后寫一伏皇后又寫一曹皇后寫一唐貴妃又寫一董貴人寫甘糜二夫人又寫一孫夫人又寫一北地王妃寫魏之甄后毛后又寫一張后而其間無一字相同紀威晚則何進之後寫一董承董承之後又寫一伏完寫一魏之張緝又寫一吳之錢尚而其間亦無一字相同寫權臣則董卓之後又寫李傕郭汜催汜之後又寫曹操曹操之後又寫一曹丕曹丕之後又寫一司馬懿司馬懿之後又並寫一師昭兄弟師昭之後又繼寫一司馬炎又旁寫一吳之孫綝而其間亦無一字相同其他敘兄弟之事則袁譚與袁尙不睦劉琦與劉琮不睦曹丕與曹植亦不睦而譚與尙皆死琦與琮一死一不死丕與植皆不死不大異乎敘婚姻之事則如董卓求婚于孫堅袁術約婚于呂布曹操約婚于袁譚孫權結婚于劉備又求婚于雲長而或絕而不許或許而復絕或偽約而反成或真約而不就不大異乎至于王

允用美人計周瑜亦用美人計而一效一不效則互異卓布相惡催  
汜亦相惡而一情一不情則互異獻帝有兩番密詔則前隱而後彰  
馬騰亦有兩番討賊則前彰而後隱此其不同者矣呂布有兩番弑  
父而前動于財後動于色前則以私滅公後則假公濟私此又其不  
同者矣趙雲有兩番救主而前救于陸後救于水前則受之主母之  
手後則奪之主母之懷此又其不同者矣若夫寫水不止一番寫火  
亦不止一番曹操有下邳之水又有冀州之水關公有白河之水又  
有魯口川之水呂布有濮陽之火曹操有烏巢之火周郎有赤壁之  
火陸遜有猯亭之火徐盛有南徐之火武侯有博望新野之火又有  
盤蛇谷上方谷之火前後曾有絲毫相犯否甚者孟獲之擒有七那  
山之出有六中原之伐有九求其一字之相犯而不可得妙哉文乎  
譬猶樹同是樹枝同是枝葉同是葉花同是花而其植根安蒂吐芳

結子五色紛披各成異采讀者于此可悟文章有避之一法又有犯  
之一法也

三國一書有星移斗轉雨覆風翻之妙杜少陵詩曰天上浮雲如白  
衣斯須改變成蒼狗此言世事之不可測也三國之文亦猶是爾本  
是何進謀誅宦官却弄出宦官殺何進則一變本是呂布助丁原却  
弄出呂布殺丁原則一變本是董卓結呂布却弄出呂布殺董卓則  
一變本是陳宮釋曹操却弄出陳宮欲殺曹操則一變陳宮未殺曹  
操反弄出曹操殺陳宮則一變本是王允不放催汜却弄出催汜殺  
王允則一變本是孫堅與袁術不睦却弄出袁術致書于孫堅則一  
變本是劉表求救于袁紹却弄出劉表殺孫堅則一變本是昭烈從  
袁紹以討董卓却弄出助公孫瓚以攻袁紹則一變本是昭烈救徐  
州却弄出昭烈取徐州則一變本是呂布投徐州却弄出呂布奪徐

州則一變本是呂布攻昭烈又弄出呂布迎昭烈則一變本是呂布  
 絕袁術又弄出呂布求袁術則一變本是昭烈助呂布以討袁術又  
 弄出助曹操以殺呂布則一變本是昭烈助曹操又弄出昭烈討曹  
 操則一變本是昭烈攻袁紹又弄出昭烈投袁紹則一變本是昭烈  
 助袁紹以攻曹操又弄出關公助曹操以攻袁紹則一變本是關公  
 尋昭烈又弄出張飛欲殺關公則一變本是關公許田欲殺曹操又  
 弄出華容道放曹操則一變本是曹操追昭烈又弄出昭烈投東吳  
 以破曹操則一變本是孫權讐劉表又弄出魯肅弔劉表又弔劉琦  
 則一變本是孔明助周郎却弄出周郎欲殺孔明則一變本是周郎  
 欲害昭烈却弄出孫權結婚昭烈則一變本是用孫夫人牽制昭烈  
 却弄出孫夫人助昭烈則一變本是孔明氣死周郎又弄出孔明與  
 周郎則一變本是昭烈不受劉表荆州却弄出昭烈借荆州則一變

本是劉璋欲結曹操却弄出迎昭烈則一變本是劉璋迎昭烈却弄  
 出昭烈奪劉璋則一變本是昭烈分荆州又弄出呂蒙襲荆州則一  
 變本是昭烈破東吳又弄出陸遜敗昭烈則一變本是孫權求救于  
 曹丕却弄出曹丕欲襲孫權則一變本是昭烈讐東吳又弄出孔明  
 結好東吳則一變本是劉封聽孟達却弄出劉封攻孟達則一變本  
 是孟達背昭烈又弄出孟達欲歸孔明則一變本是馬騰與昭烈同  
 事又弄出馬超攻昭烈則一變本是馬超救劉璋却弄出馬超投昭  
 烈則一變本是姜維敵孔明却弄出姜維助孔明則一變本是夏侯  
 霸助司馬懿却弄出夏侯霸助姜維則一變本是鍾會忌鄧艾却弄  
 出衛灌殺鄧艾則一變本是姜維賺鍾會却弄出諸將殺鍾會則一  
 變本是羊祜和陸抗却弄出羊祜請伐孫皓則一變本是羊祜請伐  
 吳却弄出一杜預又弄出一王濬則一變論其呼應有法則讀前卷

第一才子書 卷九 讀法



定知其有後卷論其變化無方則讀前文更不料其有後文於其可知見三國之文之精於其不可料更見三國之文之幻矣

三國一書有橫雲斷嶺橫橋鎖溪之妙文有宜于連者有宜于斷者如五關斬將三顧草廬七擒孟獲此文之妙于連者也如三氣周瑜六出祁山九伐中原此文之妙于斷者也蓋文之短者不連敘則不貫串文之長者連敘則懼其累墜故必敘別事以間之而後文勢乃錯綜盡變後世稗官家鮮能及此

三國一書有將雪見霰將雨聞雷之妙將有一段正文在後必先有一段間文以爲之引將有一段大文在後必先有一段小文以爲之端如將敘曹操濮陽之火先寫糜竺家中之火一段間文以啟之將敘孔融求救于昭烈先寫孔融通刺于李弘一段間文以啟之將敘赤壁縱火一段大文先寫揮壘新野兩段小文以啟之將敘六出祁

山一段大文先寫七擒孟獲一段小文以啟之是也魯人將有事于上帝必先有事于類官文章之妙正復類是

三國一書有浪後波紋雨後霹靂之妙凡文之奇者文前必有先聲文後亦必有餘勢如董卓之後又有從賊以繼之黃巾之後又有餘黨以衍之昭烈三顧草廬之後又有劉琦三請諸葛一段文字以映帶之武侯出師一段大文之後又有姜維伐魏一段文字以蕩漾之是也諸如此類皆他書中所未有

三國一書有寒冰破熱涼風掃塵之妙如關公五關斬將之時忽有鎮國寺內遇普靜長老一段文字昭烈躍馬檀溪之時忽有水鏡庄上遇司馬先生一段文字孫策虎踞江東之時忽有遇于吉一段文字曹操進爵魏王之時忽有遇左慈一段文字昭烈三顧草廬之時忽有一遇崔州平席地閒談一段文字關公水滄七軍之後忽有玉

泉山下點化一段文字至于武侯征蠻而忽逢孟節陸遜追蜀而忽遇黃承彥張任臨敵而忽問紫虛丈人昭烈伐吳而忽問青城老叟或僧或道或隱士或高人俱于極喧鬧中求之真足令人躁思頓清煩襟盡滌

三國一書有笙簫夾鼓琴瑟間鐘之妙如正敘黃巾擾亂忽有何后董后兩宮爭論一段文字正敘董卓縱橫忽有貂蟬鳳儀亭一段文字正敘催汜猖狂忽有楊彪夫人與郭汜之妻來往一段文字正敘下邳交戰忽有呂布送女嚴氏戀夫一段文字正敘冀州廝殺忽有袁譚夫妻曹丕納婦一段文字正敘荆州事變忽有蔡夫人商議一段文字正敘赤壁鏖兵忽有曹操欲取二喬一段文字正敘宛城交攻忽有張濟妻與曹操相遇一段文字正敘趙雲取桂陽忽有趙範寡嫂敬酒一段文字正敘昭烈爭荆州忽有孫權親妹洞房花燭一

段文字正敘孫權戰黃祖忽有孫翊妻為夫報讐一段文字正敘司馬懿殺曹爽忽有辛憲英為弟畫策一段文字至于袁紹討曹操之時忽帶敘鄭康成之婢曹操救漢中之日忽帶敘蔡中郎之女諸如此類不一而足人但知三國之文是敘龍爭虎鬪之事而不知為鳳為鸞為鶯為燕篇中有應接不暇者令人于干戈隊裏時見紅裙旌旗影中常覩粉黛始以豪士傳與美人傳合為一書矣

三國一書有隔年下種先時伏着之妙善圃者投種于地待時而發善奕者下一閑着于數十着之前而其應在數十着之後文章敘事之法亦猶是已如西蜀劉璋乃劉焉之子而首卷將敘劉備先敘劉焉早為董卓亂國曹操專權伏下一筆趙雲歸昭烈在古城聚義之時而昭烈之遇趙雲早于盤河戰公孫時伏下一筆馬超歸昭烈在葭

第一才子書  
第一卷  
三  
萌戰張飛之後而昭烈之與馬騰同事早于受衣帶詔時伏下一筆  
龐統歸昭烈在周郎既死之後而童子述龐統姓名早于水鏡庄前  
伏下一筆武侯歎謀事在人成事在天在上方谷火滅之後而司馬  
徽未遇其時之語崔州平天不可強之言早于三顧草廬前伏下一  
筆劉禪帝蜀四十餘年而終在一百十回之後而鶴鳴之兆早于新  
野初生時伏下一筆姜維九伐中原在一百五回之後而武侯之收  
姜維早于初出祁山時伏下一筆姜維與鄧艾相遇在三伐中原之  
後姜維與鍾會相遇在九伐中原之後而夏侯霸述兩人姓名早于  
未伐中原時伏下一筆曹丕篡漢在八十回中而青雲紫雲之祥早  
于三十三回之前伏下一筆孫權僭號在八十五回後而吳夫人夢  
日之兆早于三十八回中伏下一筆司馬懿魏在一百十九回而曹  
操夢馬之兆早于五十七回中伏下一筆自此而外凡伏筆之處指

不勝屈每見近世稗官家一到扭捏不來之時便平空生出一人無  
端造出一事覺後文與前文隔斷更不相涉誠令讀三國之文能不  
汗顏

三國一書有添絲補錦稜針勻繡之妙凡敘事之法此篇所闕者補  
之於彼篇上卷所多者勻之於下卷不但使前文不沓拖而亦使後  
文不寂寞不但使前事無遺漏而又使後事增綰染此史家妙品也  
如吕布取曹豹之女本在未奪徐州之前却于困下邳時敘之曹操  
望梅止渴本在擊張繡之日却于青梅煮酒時敘之管寧割席分坐  
本在華歆未仕之前却于破壁取后時敘之吳天人夢月本在將生  
孫策之前却于臨終遺命時敘之武侯求黃氏爲配本在未出草廬  
之前却于諸葛瞻死難時敘之諸如此類亦指不勝屈前能留步以  
應後後能迴照以應前令人讀之真一篇如一句

三國一書有近山濃抹遠樹輕描之妙畫家之法于山與樹之近者則濃之重之于山與樹之遠者則輕之淡之不然林麓迢迢峰嵐層疊豈能于尺幅之中一一而詳繪之乎作文亦猶是已如皇甫嵩破黃巾只在朱雋一邊打聽得來袁紹殺公孫瓚只在曹操一邊打聽得來趙雲襲南郡關張襲兩郡只在周郎眼中耳中得來昭烈殺楊奉韓暹只在昭烈口中敘來張飛奪古城在關公耳中聽來簡雍投袁紹在昭烈口中說來至若曹丕三路伐吳而皆敗一路用實寫兩路用虛寫武侯退曹丕五路之兵唯遺使入吳用實寫其四路皆虛寫諸如此類又指不勝屈只一句兩句正不知包却幾許事情省却幾許筆墨

三國一書有奇峰對插錦屏對峙之妙其對之法有正對者有反對者有一卷之中自爲對者有隔數十卷而遙爲對者如昭烈則自幼便大曹操則自幼便奸張飛則一味性急何進則一味性慢議溫明是董卓無君殺丁原是呂布無父袁紹盤河之戰勝敗無常孫堅峴山之役生死不測馬騰勤王室而無功不失爲忠曹操報父讐而果不得爲孝袁紹起馬步三軍而復回是力可戰而不斷昭烈擒王劉二將而復縱是勢不敵而從權孔融薦禰衡是緇衣之奸禰衡罵曹操是巷伯之心昭烈遇德操是無意相遭單福過新野是有心來謁曹丕苦逼生曹植是同氣戈矛昭烈痛哭死關公是異姓骨肉火熄上方谷是司馬之數當生燈滅五丈原是諸葛之命當死諸如此類或正對或反對皆一回之中而自爲對者也如以國戚害國戚則有何進以國戚薦國戚則有伏完李肅說呂布則以智濟其惡王允說呂布則以巧行其忠張飛失徐州則以飲酒誤事呂布陷下邳則以禁酒受殃關公飲魯肅之酒是一片神威羊祜飲陸抗之酒是一

第一才子書 首卷  
團和氣孔明不殺孟獲是仁者之寬司馬懿必殺公孫淵是好雉之刻關公義釋曹操是報其德于前翼德義釋嚴顏是收其用于後武侯不用子午谷之計是慎謀以圖全鄧艾不懼陰平嶺之危是行險以徼幸曹操有病陳琳一罵便好王朗無病孔明一罵便亡孫夫人好甲兵是女中丈夫司馬懿受巾幗是男中女子八日而取上庸則以速而神百日而取襄平則以進而勝孔明屯田渭濱是進取之謀姜維屯田沓中是退避之計曹操受漢之九錫是操之不臣孫權受魏之九錫是權之不君曹操射鹿義乖于君臣曹丕射鹿情動于母子楊儀魏延相爭于班師之日鄧艾鍾會相忌在用兵之時姜維欲繼孔明之志人事逆乎天心杜預能承羊祜之謀天時應乎人力諸如此類或正對或反對皆不在一回之中而遙相爲對者也誠于此較量而比觀焉豈不足快讀古之胸而長尙論之識

三國一書有首尾大照應中間大關鎖處如首卷以十常侍爲起而未卷有劉禪之寵中貴以結之又有孫皓之寵中貴以雙結之此一大照應也又如首卷以黃巾妖術爲起而未卷有劉禪之信師婆以結之又有孫皓之信術士以雙結之此又一大照應也照應既在首尾而中間百餘回之內若無有與前後相關合者則不成章法矣于是有伏完之托黃門寄書孫亮之察黃門盜密以關合前後又有李催之喜女巫張魯之用左道以關合前後凡若此者皆天造地設以成全篇之結構者也然猶不止此也作者之意自宦官妖術而外尤重在嚴誅亂臣賊子以自附于春秋之義故書中多錄討賊之忠紀弒君之惡而首篇之末則終之以張飛之勃然欲殺董卓末篇之末則終之以孫皓之隱然欲殺賈充由此觀之雖曰演義直可繼麟經而無愧耳

三國敘事之佳直與史記彷彿而其敘事之難則有倍難于史記者  
史記各國分書各人分載于是有本紀世家列傳之別今三國則不  
然殆合本紀世家列傳而總成一篇分則文短而易工台則文長而  
難好也

讀三國勝讀列國志夫左傳國語誠文章之最佳者然左氏依經而  
立傳經既逐段各自成文傳亦逐段各自成文不相聯屬也國語則  
離經而自爲一書可以聯屬矣究竟周語魯語晉語鄭語齊語楚  
吳語越語八國分作八篇亦不相連屬也後人合左傳國語而爲列  
國志因國多事煩其段落處到底不能貫串今三國演義自首至尾  
讀之無一處可斷其書又在列國志之上

讀三國勝讀西遊記西遊捏造妖魔之事誕而不經不若三國實敘  
帝王之事真而可考也且西遊好處三國已皆有之如啞泉黑泉之  
類何異子母河落胎泉之奇朶思大王木鹿大王之類何異牛魔鹿  
力金角銀角之號伏波顯聖山神指迷之類何異南海觀音之救只  
一卷漢相南征記便抵得一部西遊記矣至于前而鎮國寺後而玉  
泉山或目視戒刀脫離火厄或望空一語有同棒喝豈必誦靈臺方  
寸斜月三星之文乃悟禪心乎哉

讀三國勝讀水滸傳水滸文字之真雖較勝西遊之幻然無中生有  
任意起滅其匠心不難終不若三國敘一定之事無容改易而卒能  
匠心之爲難也且三國人才之盛寫來各各出色又有高出于吳用  
公孫勝等萬萬者吾謂才子書之目宜以三國演義爲第一

凡例

一俗本之乎者也等字大半齟齬不通又詞語冗長每多複沓處今悉依古本改正頗覺直捷痛快

一俗本紀事多訛如昭烈聞雷失筋及馬騰入京遇害關公封漢壽亭侯之類皆與古本不合又曹后罵曹丕詳于范曄後漢書中而俗本反誤書其黨惡孫夫人投江而死詳于梟姬傳中而俗本但紀其歸吳今悉依古本辨定

一事不可闕者如關公秉燭達旦管寧割席分坐曹操分香賣履于禁陵廟見畫以至武侯夫人之才康成侍兒之慧鄧艾鳳兮之對鍾會不汗之荅杜預左傳之瘠俗本皆刪而不錄今悉依古本存之使讀者得窺全豹

一三國文字之佳其錄于文選中者如孔融薦禰衡表陳琳討曹操

檄實可與前後出師表並傳俗本皆闕而不載今悉依古本增入以備好古者之覽觀焉

一俗本題綱參差不對錯亂無章又于一回之中分上下兩截今悉體作者之意而聯貫之每回必以二語對偶爲題務取精工以快悅者之目

一俗本謬托李卓吾先生批閱而究竟不知出自何人之手其評中多有唐突昭烈謾罵武侯之語今俱削去而以新評校正之

一俗本之尤可笑者干事之是者則圈點之于事之非者則塗抹之不論其文而論其事則春秋弑君三十六亡國五十二將盡取聖人之經而塗之抹之耶今期編評閱處有圈點而無塗抹一洗從前之陋

一敘事之中夾帶詩詞本是文章極妙處而俗本每至後人有詩嘆

曰便處處是周靜軒先生而其詩又甚俚鄙可笑今此編悉取唐宋名人作以實之與俗本大不相同

一七言律詩起于唐人若漢則未聞七言律也俗本往往捏造古人詩句如鍾繇王朗頌銅雀臺蔡瑁題館驛屋壁皆僞作七言律體殊爲識者所笑今悉依古本削去以存其真一後人捏造之事有俗本演義所無而今日傳奇所有者如關公斬貂蟬張飛捉周瑜之類此其誣也則今人之所知也有古本三國志所無而俗本演義所有者如諸葛亮欲燒魏延于上方谷諸葛瞻得鄧艾書而猶豫未決之類此其誣也則非今人之所知也不知其誣毋乃究古人太甚今皆削去使讀者不爲齊東所誤



第一卷 序文 讀法 凡例 總目 圖像

四大奇書第一種書目

聖嘆外書

茂苑毛宗崗序始氏評

聲山別集

吳門杭永年資能氏定

首卷

序文

讀法

凡例

總目

圖像

第一卷

一回	宴桃園豪傑三結義	斬黃巾英雄首立功
二回	張翼德怒鞭督郵	何國舅謀誅宦豎
三回	議溫明董卓叱丁原	餽金珠李肅說呂布
四回	廢漢帝陳留踐位	謀董賊孟德獻刀
五回	發矯詔諸鎮應曹公	破關兵三英戰呂布
六回	焚金闕董卓行兇	匿王璽孫堅背約
七回	袁紹磐河戰公孫	孫堅跨江擊劉表

第一卷 序文 讀法 凡例 總目 圖像

第二卷

八回

王司徒巧使連環計

董太師大鬧鳳儀亭

九回

除兇暴呂布助司徒

犯長安李催聽賈詡

十回

勤王室馬騰舉義

報父讐曹操興師

十一回

劉皇叔北海救孔融

呂溫侯濮陽破曹操

十二回

陶恭祖三讓徐州

曹孟德大破呂布

十三回

李催郭汜大交兵

楊奉董承雙救駕

十四回

曹孟德移駕幸許都

呂奉先乘夜襲徐郡

第三卷

十五回

太史慈酣鬪小霸王

孫伯符大戰嚴白虎

十六回

呂奉先射戟轅門

曹孟德敗師洧水

十七回

袁公路大起七軍

曹孟德會合三將

十八回

賈文和料敵決勝

夏侯惇拔矢啖睛

十九回

下邳城曹操鏖兵

白門樓呂布殞命

二十回

曹阿瞞許田打圍

董國舅內閣受詔

第四卷

二十一回

曹操煮酒論英雄

關公賺城斬車胄

二十二回

袁曹各起馬步三軍

關張共擒王劉二將

二十三回

禰正平裸衣罵賊

吉太醫下毒遭刑

二十四回

國賊行兇殺貴妃

皇叔敗走投袁紹

二十五回

屯土山關公約三事

救白馬曹操解重圍

二十六回

袁本初損兵折將

關雲長掛印封金

第五卷

二十七回

美髯公千里走單騎

漢壽侯五關斬六將

二十八回

斬蔡陽兄弟釋疑

會古城主臣聚義

二十九回

小霸王怒斬于吉

碧眼兒坐領江東

三十回

戰官渡本初敗績

劫烏巢孟德燒糧

三十一回

曹操倉亭破本初

玄德荆州依劉表

三十二回

奪冀州袁尙爭鋒

決漳河許攸獻計

第六卷

三十三回

曹丕乘亂納甄氏

郭嘉遺計定遼東

三十四回

蔡夫人隔屏聽密語

劉皇叔躍馬過檀溪

三十五回

玄德南漳逢隱淪

單福新野遇英主

三十六回

玄德用計取樊城

徐庶走馬薦諸葛

三十七回

司馬徽再薦名士

劉玄德三顧草廬

三十八回

定三分隆中決策

戰長江孫氏報讐

第七卷

三十九回

荆州城公子三求計

博望坡軍師初用兵

四十回

蔡夫人議獻荆州

諸葛亮火燒新野

四十一回

劉玄德攜民渡江

趙子龍單騎救主

四十二回

張翼德大鬧長坂橋

劉豫州敗走漢津口

四十三回

諸葛亮舌戰羣儒

魯子敬力排眾議

四十四回

孔明用智激周瑜

孫權決計破曹操

四十五回

三江口曹操折兵

羣英會蔣幹中計

第八卷

四十六回

用奇謀孔明借箭

獻密計黃蓋受刑

四十七回

關澤密獻詐降書

龐統巧授連環計

四十八回

宴長江曹操賦詩

鎖戰船北軍用武

四十九回

七星壇諸葛祭風

三江口周郎縱火

五十回

諸葛亮智算華容

關雲長義釋曹操

五十一回

曹仁大戰東吳兵

孔明一氣周公瑾

第九卷

五十二回

諸葛亮智辭魯肅

趙子龍計取桂陽

五十三回

關雲長義釋黃漢升

孫仲謀大戰張文遠

五十四回

吳國太佛寺看新郎

劉皇叔洞房續佳偶

五十五回

玄德智激孫夫人

孔明二氣周公瑾

五十六回

曹操大宴銅雀臺

孔明三氣周公瑾

五十七回

柴桑口卧龍弔喪

耒陽縣鳳雛理事

第十卷

五十八回

馬孟起興兵雪恨

曹阿瞞割髮棄袍

五十九回

許褚裸衣闖馬超

曹操抹書問韓遂

六十回

張永年反難楊修

龐士元議取西蜀

六十一回

趙雲截江奪阿斗

孫權遺書退老瞞

六十二回

取涪關楊高授首

攻雒城黃魏爭功

六十三回

諸葛亮痛哭龐統

張翼德義釋嚴顏

第十一卷

六十四回

孔明定計捉張任

揚阜借兵破馬超

六十五回

馬超大戰葭萌關

劉備自領益州牧

六十六回

關雲長單刀赴會

伏皇后為國捐生

六十七回

曹操平定漢中地

張遼威震逍遙津

六十八回

甘寧百騎劫魏營

左慈擲盃戲曹操

六十九回

卜周易管輅知機

討漢賊五臣死節

第十二卷

七十回

猛張飛智取瓦口隘

老黃忠計奪天蕩山

七十一回

占對山黃忠逸待勞

據漢水趙雲寡勝眾

七十二回

諸葛亮智取漢中

曹阿瞞退兵斜谷

七十三回

玄德進位漢中王

雲長攻拔襄陽郡

七十四回

龐令名擡觀決死戰

關雲長放水滄七軍

七十五回

關雲長刮骨療毒

呂子明白衣渡江

七十六回

徐公明大戰沔水

關雲長敗走麥城

第十三卷

七十七回

玉泉山關公顯聖

洛陽城曹操感神

七十八回

治風疾神醫身死

傳遺命奸雄數終

七十九回

兄逼弟曹植賦詩

姪陷叔劉封伏法

八十回

曹丕廢帝篡炎劉

漢王正位續大統

八十一回

急兄讐張飛遇害

雪弟恨先主興兵

八十二回

孫權降魏受九錫

先主征吳賞六軍

八十三回

戰猇亭先主得讐人

守江口書生拜大將

第十四卷

八十四回

陸遜營燒七百里

孔明巧布八陣圖

八十五回

劉先主遺詔托孤兒

諸葛亮安居平五路

八十六回

難張温秦宓逞天辯

破曹丕徐盛用火攻

八十七回

征南寇丞相大興師

抗天兵蠻王初受執

八十八回

渡瀘水再縛番王

識詐降三擒孟獲

八十九回

武鄉侯四番用計

南蠻王五次遭擒

第十五卷

第一十一卷

目錄

五

九十回

驅巨獸六破蠻兵

燒藤甲七擒孟獲

九十一回

祭瀘水漢相班師

伐中原武侯上表

九十二回

趙子龍力斬五將

諸葛亮智取三城

九十三回

姜伯約歸降孔明

武鄉侯罵死王朗

九十四回

諸葛亮乘雪破羌兵

司馬懿尅日擒孟達

第十六卷

九十五回

馬謖拒諫失街亭

武侯彈琴退仲達

九十六回

孔明揮淚斬馬謖

周魴斷髮賺曹休

九十七回

討魏國武侯再上表

破曹兵姜維詐獻書

九十八回

追漢軍王雙受誅

襲陳倉武侯取勝

九十九回

諸葛亮大破魏兵

司馬懿入寇西蜀

一百回

漢兵劫寨破曹真

武侯闖陣辱仲達

第十七卷

一百一回

出隴上諸葛粧神

遼劍閣張郃中計

一百二回

司馬懿戰北原渭橋

諸葛亮造木牛流馬

一百三回

上方谷司馬受困

五丈原諸葛禳星

一百四回

殞大星漢丞相歸天

見木像魏都督喪膽

一百五回

武侯預伏錦囊計

魏主拆取承露盤

一百六回

公孫淵兵敗死襄平

司馬懿詐病賺曹爽

第十八卷

一百七回

魏主政歸司馬氏

姜維兵敗牛頭山

一百八回

丁奉雪中奮短兵

孫峻席間施蜜計

一百九回

困司馬漢將奇謀

廢曹芳魏家果報

一百十回

文鴛單騎退雄兵

姜維背水破大敵

第一百十一回 鄧士載智敗姜伯約 諸葛誕義討司馬昭  
 救壽春于詮死節 取長城伯約鏖兵  
 第一百十二回 丁奉定計斬孫琳 姜維闖陣破鄧艾

第十九卷

第一百十四回 曹髦驅車死南闕 姜維棄糧勝魏兵  
 第一百十五回 詔班師後主信讒 托屯田姜維避禍  
 第一百十六回 鍾會分兵漢中道 武侯顯聖定軍山  
 第一百十七回 鄧士載偷渡陰平 諸葛瞻戰死綿竹  
 第一百十八回 哭祖廟一王死孝 入西川二士爭功  
 第一百十九回 假投降巧計成虛話 再受禪依樣畫葫蘆  
 第一百二十回 薦杜預老將獻新謀 降孫皓三分歸一統

目終

歸守吳之志  
 先志在板橋  
 字在通流義  
 釋嚴起西子  
 境智級殊節  
 之巾一抄  
 孫飛



賢哉糜氏內助劉君言  
辭無失進退有倫心如金  
石志似松筠身雖婦土名  
不沾塵千載之

後配湘夫人

糜夫人



撥亂於居生  
懇勤南振孤  
榮戈飄管樂  
妙策勝孫吳  
凜二出師志  
當二八陣圖  
細尚自盛德  
癡嘆露今禱

諸葛亮





西川馬孟

起名譽振

關中

李德關風

懼閻張可

並雄

馬超



老将说黄忠

收川立大功

重披重铠甲

准挽铁胎弓

胆气惊河灶

威名镇蜀中

黄忠



常山有虎將  
智勇匹關張  
漢列功勳在  
當陽姓字彰  
兩番扶幼主  
一念答先王  
青史書忠烈  
應流百世芳

趙雲



鳳雛告羽

首非

派瑛歷奠

驥足

南杏出冠

龐統



了如指掌  
後涼州臺  
受才氣况  
留文出術  
幸至之屋

英雄



古性形容  
異清高體  
貌疎膽翼  
魁凶蜀文  
章贊太靈

張松



慷慨弓中程

祭酒身

留一劍答君

王臨危

不改平生志

博以聲

名垂古揚

程畿



坐臥猶

然累帛

狗

樽形不

總大將

軍

傅彤



先主兵歸白  
帝城夫人聞  
難獨捐生至  
今江畔遺碑  
在猶著千秋  
烈女名

孫夫人



固戈在  
之雄也  
而今安  
在哉  
曹操



圖象

开疆展土  
多存銘  
蕭中教  
軍拔  
睥  
晴  
漢親



穎上荀文  
若人稱王  
佐才聲  
名齊五嶽  
功業震三  
台荀彧



智能過甯

武德可

配顏淵功

振三介

國才成十

二篇者攸



誦殺江南

衆小兒張

遠名字透

深圍後少

象母伍聲

從牧靜更

果不敢噤

法達



天生韻奉  
孝豪氣冠  
羣英腹內  
藏經史胸  
中隱甲丹  
運謀如范  
蠡決策似  
陳平

郭嘉



凜凜威風鎮

九州

當年許褚果

如彪

只因孟起軍

前見

天下沒茲播

席侯

許褚





文章絕世

代奪氣貫

長虹天上

客常滿樽

中酒不空

孔融



鐵戟雙提八

十尺漢陽蟬

所建高勳典

聿殺坐樓天

下勇猛當先

策弔尾

典章



圖象

美哉公瑾百  
世而生行其  
之而新占魏  
弓所為存破  
敵未強陳公  
許以玄德得  
瑜之華  
用瑜



百幼能籌  
画多謀善  
用兵樂時  
躬地理御  
面識死人

郭艾



裸衣辱

罵一座

皆驚僭

槌打落

千穉稱

快  
補衡



平原神卜管

公明能算南

辰垣斗星忍

出鬼謀分何

鄰未表先知

是死人

管輅



華陀

藥

福

識

廟

華陀



華陀

藥

福

識

廟

華陀

藥

福



溫侯神賦  
 在問稀曾  
 向轅門射  
 戟時落日  
 果狀欺石  
 昇蹄猿直  
 欲勝由莖

呂布



殄滅國賊  
 不辱  
 主命漢世  
 簪纓  
 不及婦人  
 貂蟬



紫髯碧眼  
弼英雄能  
使羣僚肯  
盡忠二十四  
年興大業  
龍盤虎踞  
在江東  
吳大帝



虜出主  
忠孝東  
萊尚叟  
趙趙名  
昭遠塵  
弓馬廬  
維師

太史志



死生清如水  
 九氣何物豈  
 甲子教應  
 月於設神  
 仙術豈怪  
 夢睡不轉  
 左



植性以嚴  
 律躬已儉  
 整軍治國  
 手不釋卷  
 公瑾之後  
 肅為僅見

魯肅



白衣搖  
換真奇  
計一舉荆  
襄取次  
收

呂蒙



苦肉計  
高曹兵禍  
所招所瞞  
雖有智一  
炬自難逃

黃蓋



圖象



崇齋甘興霸  
長煙錦慢片  
酬劫重想氏  
報三伏所離  
斬糜將輕驕  
驅哭鯨甲騷

甘寧



東生東生  
幾千年來  
劫于去也  
神心在旌  
不污于身  
子嗣化龍  
然亦觸子

于吉



開言崇聖典  
用武睿通神  
三國英雄本  
四朝經濟臣  
史共驅虎豹  
養學得麒麟  
諸葛常稱叢  
能迴天地昏

司馬懿



